

16/08/1998

Parti dalam BN diminta bantu pulih

KOTA KINABALU: Parti komponen Barisan Nasional (BN) termasuk di Sabah, diminta membantu mententeramkan keadaan berikutan khabar-khabar angin mengenai kemungkinan berlaku pertelingkahan kaum baru-baru ini.

Datuk Seri Dr Mahathir Mohamad, yang menyifatkan penyebaran khabar angin itu angkara pihak yang tidak senang dengan keadaan aman di Malaysia berkata, adalah menjadi tanggungjawab parti komponen BN memberi penerangan mengenai keadaan sebenar kepada rakyat.

Sebahagian penduduk Kuala Lumpur pada Jumaat minggu lalu agak cemas berikutan khabar angin melalui Internet kononnya ada rusuhan kaum di Kuala Lumpur menyebabkan ramai menyerbu pasar raya untuk membeli dan menyimpan bahan makanan.

(END)